### বাংলাদেশ গ্যাস ফিল্ডস্ কোম্পানী লিমিটেড (পেট্রোবাংলার একটি কোম্পানী)



#### নৈতিকতা কমিটি



# বিজিএফসিএল এর শূদ্ধাচার কৌশল কর্ম-পরিকল্পনা, ২০২৩-২০২৪ এর ১ম কোয়ার্টার (জুলাই-সেপ্টেম্বর, ২০২৩) এ আয়োজিত নৈতিকতা কমিটির সভার কার্যবিবরণী।

সভাপতি মোঃ আব্দুস সুলতান

ব্যবস্থাপনা পরিচালক ও সভাপতি, নৈতিকতা কমিটি, বিজিএফসিএল।

সভার তারিখ ১২ জুলাই ২০২৩ সভার সময্ ১০:৩০ ঘটিকা।

স্থান মিটিং রুম, প্রধান কার্যালয়, বিজিএফসিএল, বিরাসার, ব্রাহ্মণবাড়িয়া। উপস্থিতি কমিটির সদস্য ও সংশ্লিষ্ট কর্মকর্তাবৃন্দ (উপস্থিতি তালিকা সংযুক্ত)।

গত ১২ জুলাই ২০২৩ তারিখে বিজিএফসিএল এর নৈতিকতা কমিটির ১ম ত্রৈমাসিক (জুলাই-সেপ্টেম্বর, ২০২৩) সভা কমিটির সভাপতি জনাব মোঃ আব্দুস সুলতান, ব্যবস্থাপনা পরিচালক, বিজিএফসিএল এর সভাপতিত্বে অনুষ্ঠিত হয়। বিজিএফসিএল-এর শুদ্ধাচার কৌশল কর্ম-পরিকল্পনা, ২০২৩-২০২৪ এর ১ম কোয়ার্টার এর কার্যক্রম বাস্তবায়নের দায়িত্বপ্রাপ্ত কর্মকর্তা/প্রতিনিধি-সহ নৈতিকতা কমিটির সদস্যবৃন্দ সভায় অংশগ্রহণ করেন। সভার শুরুতে সভাপতি সবাইকে স্বাগত জানিয়ে কমিটির সদস্য-সচিবকে আলোচনা শুরু করার জন্য নির্দেশনা প্রদান করেন। সভায় নিম্নোক্ত বিষয়সমূহ আলোচনা করা হয়:

#### ১.০ আলোচনা:

সদস্য-সচিব সভাপতির অনুমতিক্রমে নৈতিকতা কমিটির সদস্যবৃন্দসহ উপস্থিত উপমহাব্যবস্থাপক(স্থানীয় সংগ্রহ), উপমহাব্যবস্থাপক(পিআরএল এন্ড লীভ) এবং ব্যবস্থাপক(প্রশিক্ষণ)-কে শুভেচ্ছা জানিয়ে সংগ্লিষ্ট বিষয়াবলী সভায় উপস্থাপন করেন। তিনি সভাকে অবহিত করেন যে, শুদ্ধাচার কৌশল কর্ম-পরিকল্পনা, ২০২৩-২০২৪ এর প্রতি কোয়ার্টারে নৈতিকতা কমিটির ১টি করে সভা করার বিষয় অন্তর্ভূক্ত আছে, যার ১ম কোয়ার্টারের সভাটি অদ্য অনুষ্ঠিত হচ্ছে। সভায় বিভিন্ন বিষয়ে নিম্নরূপ আলোচনা ও সিদ্ধান্ত গৃহীত হয়:

১.১। বিজিএফসিএল এর শুদ্ধাচার কৌশল কর্ম-পরিকল্পনা, ২০২৩-২০২৪ এর ১ম কোয়ার্টারে ৪০ জন জনবল-কে 'শুদ্ধাচার সংক্রান্ত প্রশিক্ষণ' প্রদানের লক্ষ্যমাত্রা নির্ধারিত আছে বলে কমিটির সদস্য-সচিব সভাকে অবহিত করেন। এ বিষয়ে আলোচনায় কোম্পানি-তে নতুন যোগদানকৃত কর্মকর্তাদের শুদ্ধাচার সংক্রান্ত প্রশিক্ষণ' প্রদানের সিদ্ধান্ত গৃহীত হয়। প্রশিক্ষণ বাস্তবায়নের দায়িত্বপ্রাপ্ত কর্মকর্তা উপ-মহাব্যবস্থাপক(মানবসম্পদ) এর পক্ষে সভায় উপস্থিত জনাব শুভজ্জর কুমার সাহা, ব্যবস্থাপক(প্রশিক্ষণ) জানান যে, মানবসম্পদ বিভাগ কর্তৃক বর্ণিত প্রশিক্ষণটি সেপ্টেম্বর-২০২৩ মাসের মধ্যেই বাস্তবায়ন করা সম্ভব হবে।

১.২। কমিটির সদস্য-সচিব সভায় উল্লেখ করেন যে, ক্রয়ের ক্ষেত্রে শুদ্ধাচার এর আওতায় ৩১ জুলাই ২০২৩ তারিখের মধ্যে ২০২৩-২০২৪ অর্থ-বছরের বার্ষিক ক্রয়-পরিকল্পনা (এপিপি) কোম্পানির ওয়েবসাইটে প্রকাশ এর লক্ষ্যমাত্রা নির্ধারিত আছে। এ বিষয়ে জনাব মোঃ রশিদুল ইসলাম, উপ-মহাব্যবস্থাপক (স্থানীয় সংগ্রহ) সভাকে অবহিত করেন যে, এপিপি প্রস্তুতের লক্ষ্যে প্রয়োজনীয় তথ্য-উপাত্ত কোম্পানির সকল ডিভিশন ও বিভাগ থেকে পাওয়া গেছে এবং নির্ধারিত সময় তথা ৩১ জুলাই ২০২৩ তারিখের মধ্যেই ২০২৩-২০২৪ অর্থ-বছরের ক্রয়-পরিকল্পনা কোম্পানির ওয়েবসাইটে প্রকাশ করা সম্ভব হবে। সভাপতি ২০২৩-২০২৪ অর্থ-বছরের বার্ষিক ক্রয়-পরিকল্পনা নির্ধারিত সময়ে প্রস্তুতপূর্বক কোম্পানির ওয়েবসাইটে প্রকাশ করে বিষয়টি পেট্রোবাংলাকে যথাসময়ে প্রমাণকসহ অবিহত করার জন্য নির্দেশনা প্রদান করেন।

১.৩। কমিটির সদস্য-সচিব সভাকে অবহিত করেন যে, শুদ্ধাচার কৌশল কর্ম-পরিকল্পনা, ২০২৩-২০২৪ এর প্রত্যেক কোয়ার্টারে 'সেবা প্রদানের ক্ষেত্রে রেজিন্টারে প্রদেয় সেবার বিবরণ ও সেবা গ্রহীতার মতামত সংরক্ষণ' এর লক্ষ্যমাত্রা নির্ধারিত আছে। এ বিষয়ে দায়িত্বপ্রাপ্ত কর্মকর্তা জনাব মোহাম্মদ জোয়াদ আলী, উপমহাব্যবস্থাপক (পিআরএল এন্ড লীভ) জানান যে, কর্মকর্তা/কর্মচারীদের ছুটি, পিআরএল এবং এফএসএ সংক্রান্ত বিষয়ে সেবা গ্রহণের জন্য আসা কর্মকর্তা ও কর্মচারীদের তার বিভাগ বিশেষ পুরুত্ব দিয়ে থাকে। সেবা প্রাপ্তি ও সেবার মান বিষয়ে সেবা গ্রহীতাগণের মতামত রেজিন্টারে সংরক্ষণ করা হচ্ছে। সভাপতি মহোদয় আলোচ্য সেবা প্রদানের ক্ষেত্রে সেবা গ্রহীতাগণের মতামত রেজিন্টারে সংরক্ষণের বিষয়েটি যথাযথভাবে লিপিবদ্ধ করার জন্য নির্দেশনা প্রদান করেন।

১.৪। শুদ্ধাচার সংশ্লিষ্ট পেট্রোবাংলার একটি সভায় কোম্পানিসমূহের নৈতিকতা কমিটির সভার কার্যবিবরণী-তে সিদ্ধান্ত অন্তর্ভুক্তির ক্ষেত্রে শুদ্ধাচার কৌশল কর্ম-পরিকল্পনার উল্লিখিত লক্ষ্যমাত্রাসমূহ হবহ অন্তর্ভুক্ত না করে কর্ম-পরিকল্পনার বাইরে উত্তমচর্চা/সুশাসন প্রতিষ্ঠা/দুর্নীতি প্রতিরোধে সহায়ক কিছু সিদ্ধান্ত সংযোজনের পরামর্শ প্রদান করা হয়েছে, মর্মে সদস্য-সচিব সভাকে অবহিত করেন। এ বিষয়ে আলোচনাশেষে ২০২৩-২০২৪ অর্থ-বছরেরর ১ম কোয়ার্টারে শুদ্ধাচার বিষয়ে জনসচেতনতা বৃদ্ধির লক্ষ্যে শুদ্ধাচার সংশ্লিষ্ট/দুর্নীতি বিরোধী শ্লোগান সম্বলিত লিফলেট তৈরি ও বিতরণ করার সিদ্ধান্ত গৃহীত হয়।

১.৫। শুদ্ধাচার কৌশল কর্ম-পরিকল্পনার বাহিরে অতিরিক্ত কার্যক্রম হিসেবে আরো একোয়ার্টারে বিজিএফসিএল-এর নৈতিকতা কমিটি কর্তৃক সিলেট গ্যাস ফিল্ডস লিমিটেড (এসজিএফএল) এবং জালালাবাদ গ্যাস ট্রান্সমিসন এ্যান্ড ডিস্ট্রিবিউশন সিস্টেম লিমিটেড (জেজিটিডিএসএল) এর শুদ্ধাচার বিষয়ক কার্যক্রম পরিদর্শনের সিদ্ধান্ত গৃহীত হয়।

২.০ সিদ্ধান্ত :

২.১। শুদ্ধাচার কৌশল কর্ম-পরিকল্পনা, ২০২৩-২০২৪ এর ১ম কোয়ার্টারে ৪০ জন জনবল-কে 'শুদ্ধাচার সংক্রান্ত প্রশিক্ষণ' প্রদান করতে হবে।

২.২। কোম্পানির ২০২৩-২০২৪ অর্থ-বছরের বার্ষিক ক্রয়-পরিকল্পনা (এপিপি) প্রস্তুতপূর্বক ৩১ জুলাই ২০২৩ তারিখের কোম্পানির ওয়েবসাইটে প্রকাশ করতে হবে।

২.৩। ছুটি, পিআরএল এবং এফএসএ সংক্রান্ত বিষয়ে সেবা গ্রহণের জন্য আসা কর্মকর্তা ও কর্মচারীদের সেবা প্রদানশেষে সেবা প্রাপ্তি ও সেবার মান সম্পর্কে সেবা গ্রহীতাগণের মতামত রেজিস্টারে সংরক্ষণ করতে হবে।

২.৪। শুদ্ধাচার বিষয়ে জনসচেতনতা বৃদ্ধির লক্ষ্যে শুদ্ধাচার সংশ্লিষ্ট/দুর্নীতি বিরোধী শ্লোগান সম্বলিত লিফলেট প্রস্তুতপূর্বক বিতরণ করতে হবে।

২.৫। বিজিএফসিএল-এর নৈতিকতা কমিটি কর্তৃক সিলেট গ্যাস ফিল্ডস লিমিটেড (এসজিএফএল) এবং জালালাবাদ গ্যাস ট্রান্সমিসন এ্যান্ড ডিস্ট্রিবিউশন সিস্টেম লিমিটেড (জেজিটিডিএসএল) এর শুদ্ধাচার বিষয়ক কার্যক্রম পরিদর্শন করতে হবে।

সভায় আর কোন আলোচ্য বিষয় না থাকায় সভাপতি শুদ্ধাচার কৌশল কর্মপরিকল্পনা ২০২৩-২০২৪ শতভাগ বাস্তবায়নের মাধ্যমে বার্ষিক কর্ম সম্পাদন চুক্তি (এপিএ) এর এ অংশে পূর্ণ নম্বর পাওয়ার জন্য সচেষ্ট হতে কমিটির প্রতি বিশেষ তৎপরতা ও সচেতনতা প্রত্যাশা করেন। পরিশেষে ধৈর্য্য ধরে সভায় অংশগ্রহণের জন্য সকলের প্রতি ধন্যবাদ জ্ঞাপন করে সভাপতি সভার সমাপ্তি ঘোষণা করেন।

> ২৪-০৭-২০২৩ মোঃ আব্দুস সুলতান ব্যবস্থাপনা পরিচালক ও সভাপতি, নৈতিকতা কমিটি,

> > বিজিএফসিএল।

৯ শ্রাবণ ১৪৩০ বঙ্গাব্দ তারিখ: ২৪ জুলাই ২০২৩ খ্রিস্টাব্দ

নম্বর: ২৮.১০.১২১৩.৭১৬.১৪.০০৩.২২.৪১

### বিতরণ (জ্যেষ্ঠতার ক্রমানুসারে নয়):

- ১। নৈতিকতা কমিটি, বিজিএফসিএল;
- ২। মহাব্যবস্থাপক (পরিকল্পনা কৌশল) ও ফোকাল পয়েন্ট, শুদ্ধাচার কৌেশল, পেট্রোবাংলা;
- ৩। উপ-মহাব্যবস্থাপক (আইসিটি), বিজিএফসিএল [ওয়েবসাইটে প্রকাশের জন্য];
- ৪। উপ-মহাব্যবস্থাপক (স্থানীয় সংগ্রহ), বিজিএফসিএল;
- ৫। উপমহাব্যবস্থাপক (পিআরএল এন্ড লীভ), বিজিএফসিএল এবং
- ৬। ব্যবস্থাপক (প্রশিক্ষণ), বিজিএফসিএল।



২৪-০৭-২০২৩ মোঃ আব্দুস সুলতান ব্যবস্থাপনা পরিচালক ও সভাপতি, নৈতিকতা কমিটি, বিজিএফসিএল।

## সকল সংযুক্তিসমূহ:

(5) Attendance Sheet